

PLANINARIMA I ONIMA KOJI ĆE BITI

Najveća vrijednost koju čovjek može da posjeduje jeste njegovo zdravlje. Dužnu pažnju organizovanoj zaštiti zdravlja studenata, putem najrazličitijih planinarskih aktivnosti, već 40 godina, posvećuje Univerzitetско planinarsko smučarsko društvo »Bukovik«.

Potrebu još većeg bavljenja sportsko-rekreativnim sadržajima u prirodi naglašava činjenica smanjenih fizičkih sposobnosti čovjeka u urbanoj sredini danas, povećana ugroženost životne sredine u cjelini, osjetan pad životnog standarda posebno mladih, kao i činjenica da je Sarajevo postalo Olimpijski grad. Iako izgleda nemoguće pomiriti sve ove činjenice mi želimo dati svoj doprinos.

Mi ne nudimo zdravlje već kao poznavaoци planine i planinarstva svojim organizovanim radom nudimo put a **Tvoje zdravlje je u Tvojim rukama, zasluži ga svaki dan.**

NAŠ DOM JE NA BUKOVIKU

Sjeverno od Sarajeva nalazi se planina Ozren,¹⁾ koju planinari u ovom dijelu bliže gradu znaju pod imenima njegovih dijelova Bukovika i Crepoljskog. Riječ je o planini koja se svojim južnim dijelom, uzdiže iz samog Sarajeva, omeđenoj sa istoka Mokranjskom Miljackom, rijekom Vogošćom sa zapada i visoravni Nišići sa svejera. Sa svojim najvećim vrhom 1.534 m NV (Bukovik) ubraja se u srednje planine visine vrlo pogodne za najrazličitije rekreativne sadržaje. Upravo iz tih razloga od davnina je bila rado posjećena od najrazličitijih ljubitelja prirode (lovaca, ferijalaca, izviđača, planinara) koji su na njoj izgradili i dosta objekata u te svrhe.

Prilazi do doma su višestruki:

1. Od Sarajeva možemo asfaltnim putem doći do Vučije Luke ili čak do novoizgrađenog odmarališta RO »Energoinvest« na Crepoljskom. Varijanta ovog prilaza je i markirana planinarska staza od Faletića do Crepoljskog.

Od Crepoljskog možemo (1—1,5 sati) markiranim putem stići do Bukovika.

2. Drugi prilazni put Bukoviku ide pravcem Sarajevo—Nahorevo (asfalt, kombi iz ulice Sutjeska). Od Nahoreva

imamo dvije mogućnosti: markirani put uz potok (kroz selo) prema Bukoviku ili prema planinarskoj kući na Skakavcu (2,5—3 sata).

Ili druga mogućnost iz Nahoreva istočno (preči potok) markiranim putem prema stijenama Nahorevskim na Donje Močioce i odatle prema planinarskoj kući na Bukoviku.

Ovaj prilaz planini omogućava posjetu vodopadu Skakavac (kod kuće »Skakavac«), upražnjavanje alpinizma (stijena Ruževice, i Nahorevska, gljivarenje, ishranu u prirodi, planinarsko takmičenje u orijentaciji, najrazličitije planinarske škole, skijanje i dr.).

DOM »BUKOVIK«

Ispod samog vrha Bukovik, sa pogledom na Sarajevo, planinari članovi istoimenog Univerzitetског planinarskog društva podigli su planinarski dom. Dom raspolaže trpezarijom, planinarskom kuhinjom, te prostorijama za spavanje sa 28 kreveta. Dom ima i struju a u toku su i radovi za trajnije rješene snabdjevanja vodom.



Fotografija: UZEIR BEŠIREVIĆ
Tekst i karta: ŠEVKO KADRIĆ

¹⁾ Pored ovog sarajevskog Ozrena planinu pod istim imenom srećemo i kod Tuzle, to jedini od vršnih dijelova Zelenogore.

**ZDRAVLJE NE ZNAČI SAMO ODSUSTVO BOLESTI,
VEĆ, FIZIČKU IZDRŽLJIVOST, SNAGU, SVJEŽINU,
RADNU SPOSOBNOST, ŽIVOTNU RADOST**